

von Wulf Wager

## Heino schlägt z'rück!



I han garnet gwisst, dass dr Heino no lebt. Do han i mi aber tische. Der lebt! Ond wia!

Jahrzehntelang hot mr den singenda Zuckrbäcker aus Bad Münstereifel mit seine Volkslieder verarscht, wo's bloß ganga ischt. Dr Otto hot en parodiert, Switch reloaded ond andere. I moi, ois muaß mr dem Kerle scho lassa: Der hot 50 Milliona Schallplatta verkauft!!!

I kann me no guat an a Heino-Konzert erinnra, do isch an dr Tür gstanda: "Hunde mitbringen verboten". I han no mit Edding dronter gschriebe: "Der Tierschutzverein".

Ond jetzt schlägt der z'rück. Quasi zu seim 75. Geburtstag kommt am Freitag a neue CD raus, wo laudr Liadr von so bekannte Rock-, Punk- ond Metalgruppa wie "Rammstein", "Die Ärzte", "Die Fantastischen Vier" ond andere covert send. Auf Youtube ka mr sich do scho ebbes ahöra. Des ischt echt witzig. I ben mol gspannt, wia des von de Leut ufgnomma wird. "Junge" en dr Heino-Version wird bestimmt dr Partykracher auf dr bevorstehenda Fasnet.

Dodrauß isch eigentlich bloß oi Lehre zom zieha: En de Alte steckt meh als ma denkt, onderschätzat dia net! Geriatrierock gega Altersarmut. Au net schlecht. Emmerhin hot dr Heino so scheene blond gfärbte Hoor, wia die Dschungel-Drag-Queen Olivia Jones. Vielleicht goht der näggschd Johr ens Dschungelcämp?

Bis näggschd Woch'                      Ihr

Alle Kolumna zom Nochlesa onder: [www.woascht.de](http://www.woascht.de) oder em facebook em Wulf Wager Fanclub